

爾雅

御

爾雅註疏卷第六

晉郭璞註

宋邢昺疏

釋地第九

**通**案說文云元氣初分輕清陽為天重濁陰為地萬物所陳列也白虎通云

地者易也言養萬物懷任交易變化含吐應節也釋名云地底也其體在底下載萬物也禮統云地施也諦也應變化審諦不誤也此篇釋地之所載四方中國州府陵藪之異故曰釋地

兩河間曰冀州

**通**自東河至西河河南曰豫州

**通**自南

河至漢河西曰雒州

**通**自西河至黑水

○離於漢南

曰荊州

**通**

自漢南至衡山之陽江南曰揚州

**通**

自江

南至海濟河間曰兗州

**國**自濟東至海 ○濟子 禮切 燕曰幽州 **國**自河東至濟濟東曰徐州

齊曰營州 **國**自岱東至海此蓋殷制 **國**此釋九州之名及其界域

也兩河間曰冀州注自東河至西河者周禮滕方氏

云河內曰冀州禹貢不說境界孔安國云此州帝都

不說境界以餘州所至即可知其禹貢兗州云濟

河自東河以東也豫州云荆河自南河以南也雍州

云西河自西河以西也明東河之西西河之東南河

之非是冀州之境也言東河西河南河者皆據帝都

冀州而言也案禹貢導河自積石龍門南流謂之西

河至於華陰折而東經底柱孟津過洛汭皆東流謂

之南河至于大伾折而北流過泒水至于大陸又北

播為九河同為逆河入于海謂之東河此惟云兩河

者從可知李巡曰兩河間其氣清厥性相近故曰冀

冀近也○河南曰豫州注自南河至漢者職方與此

同禹貢云荆河惟豫州孔安國云西南至荆山北距  
河水以其荆山在荆州漢水所經故文不同其實一  
也李巡云河南其氣著密厥性安舒故曰豫豫舒也  
○河西曰雍州注自西河至黑水者周禮正西曰雍  
州禹貢云黑水西河惟雍州孔安國云西距黑水東  
據河案酈元水經黑水出張掖難山南流至燉煌過  
三危山南流入於南海然則雍州之境東據龍門河  
西距此黑水也李巡云河西其氣蔽壅厥性急凶故  
曰雍雍壅也兼得梁州之地西非之位陽所不及陰  
壅也○漢南曰荆州注自漢南至衡山之陽者周禮  
正南曰荆州禹貢荆及衡陽惟荆州孔安國云北據  
荆山南及衡山之陽言非據荆山則至漢水也李巡  
曰漢南其氣燥剛稟性強梁故曰荆荆強也釋名以  
爲取荆山之名荆警也南蠻數爲寇逆常警備也○  
江南曰揚州注自江南至海者周禮東南曰揚州禹  
貢淮海惟揚州孔安國云北據淮南距海然則揚州  
之境跨江北至淮此云江南者舉遠大而言也李巡  
曰江南其氣燥勁厥性輕揚太康地記云以揚州漸

太陽位天氣奮揚履正舍文故取名焉。○濟河間曰  
兗州注自河至濟者周禮河東曰兗州禹貢濟河惟  
跨之也距至也濟河之間相去路近兗州之境跨濟  
而過東南越濟水西北至東河也李巡云濟河間其  
氣專質厥性信謙故曰兗兗信也釋名以爲取兗水  
之義。○濟東曰徐州注自濟東至海者禹貢海岱及  
淮惟徐州孔傳云東至海非至岱南及淮此云自濟  
東則是西至濟也李巡曰淮海間其氣寬舒稟性安  
徐故曰徐徐舒也周合其地於青州。○燕曰幽州注  
自易水至非狄者周禮東非曰幽州李巡曰燕其氣  
深要厥性剽疾故曰幽幽要也禹貢其地合於冀州  
也地理志云涿郡故安縣間鄉易水所出東至范入  
濡也從此易水至於非狄幽州之境也。○齊曰營州  
注自岱東至海此蓋殷制者周禮正東曰青州禹貢  
云海岱惟青州孔傳云東非據海西南距岱然則此  
營州則青州之地也博物志云營與青同海東有青  
丘齊有營丘豈是名乎太康地記云東方少陽其色

青其氣清歲之首事之始故以青爲名焉此蓋殷制者以此文上與禹貢不同下與周禮文異禹別九州有青徐梁而無幽并營是夏制也周禮周公所作有青并幽而無徐梁營是周制也此有徐幽營而無青梁并疑是殷制也以無正文故云蓋也

九州

**注**此上釋九州之名故題云九州也

魯有大野

**注**

今高平鉅野縣東非大澤是也

**注**

此下至周有焦

護釋十藪之名也禹貢徐州云大野既豬地理志云大野澤在山陽鉅野縣非鉅卽大也由其旁有大澤故縣以鉅野爲名哀十四年左傳云西狩於大野以其澤在曲阜西故云西狩也郭云今高平鉅野縣者東晉時鉅野屬高平郡故與志不同凡注言今者皆謂東晉時也

晉有大陸

**注**

今鉅鹿非廣河澤是也

**注**

孫炎曰廣河猶大陸以地名言

之近爲是也禹貢冀州云大陸既作是也案定元年左傳晉魏獻子田於大陸焚焉還卒於寧杜預注嫌鉅鹿絕遠疑此田在汲郡吳澤寧今修武縣近吳澤計此二澤相去甚遠亦得言大陸者以其廣平曰陸但廣而平者則名大陸故異所而同名也澤雖卑下旁帶廣平之地故統名焉

秦有楊陁

**註**

今在扶風汧縣西

陁於干及

**疏**

周禮冀州云其澤藪曰楊

陁鄭注云所在未聞又雍州云其澤藪曰弦蒲鄭注云在汧案地理志汧吳山在西方古文以爲汧山北有蒲谷鄉弦中谷雍州藪今注亦云在汧然則周禮弦蒲卽此楊陁也

宋有孟諸

**註**

今在梁國睢陽縣東北

**疏**

周禮青州其澤藪曰孟諸鄭注

云望諸明都也在睢陽禹貢豫州云導河澤被孟諸左傳亦作孟諸文不同者聲轉字異正是一地也

楚有雲夢

**註**

今南郡華容縣東南巴丘湖是也

**疏**

周禮荊州

云其澤藪曰雲菅鄭注云雲菅在華容禹貢云雲土  
夢作又昭三年左傳楚子與鄭伯田于江南之夢又  
定四年楚子涉睢濟江入于雲中杜預云南郡枝江  
縣西有雲夢城江夏安陸縣東南亦有夢城或曰南  
郡華容縣東南有巴丘湖江南之夢也雲夢一澤而  
每處有名者司馬相如子虛賦云雲夢者方九百里  
則此澤跨江南非亦得單  
稱雲單稱夢菅即夢也

吳越之間有具區

**說文**

今吳縣南太湖即震澤是也

**說文**

禮周

揚州云其澤藪曰具區鄭注云在吳南地理志云會稽吳縣故周泰伯所封國也具區在西古文以為震澤禹貢揚州云三江既入震澤底定是也

齊有海隅

**說文**

海濱廣斥

**說文**

此營州藪也云海濱廣斥禹貢文也孔傳云濱涯也言復

其斥鹵案說文云鹵鹹地也東方謂之斥西方謂之鹵海畔迴濶地皆斥鹵故云廣斥也



燕有昭余祁

**註**

今太原鄆陵縣北九澤是也

**說**

周禮并州其澤

藪曰昭余祁鄭注云在鄆地理志云鄆九澤在并是為昭余祁并州藪是也

鄭有圃田

**註**

今滎陽中牟縣西圃田澤是也

**說**

周禮豫州云其

澤藪曰圃田鄭注云在中牟地理志云中牟圃田澤在西豫州藪倍三十三年左傳云鄭之有原圃猶秦之有具圃也又詩車攻云東有甫草鄭玄以為甫田之草皆謂此也

周有焦護

**註**

今扶風池陽縣瓠中是也

**說**

孫炎云周岐周也詩六月

云獾狁匪茹整居焦護是也時人謂之瓠中也

十藪

**說**

題上事也說文云大澤也風俗通云藪厚也有草木魚鼈所以厚養人也

東陵隄南陵息慎西陵威夷中陵朱滕北陵西隄雁門

是也

**釋** 卽雁門山也

音信

**疏**

此五方之陵名也其義及所托未詳云雁門是

也者此指解非陵也卽雁門山是也

陵莫大於加陵

**釋** 今所托未聞

**疏**

莫無也陵大阜也言陵無大於加陵者謂

加陵最大者今所托未聞

梁莫大於溴梁

**釋** 溴水名梁隄也

○溴古壁切

**疏**

釋宮云隄謂之梁詩

傳云石絕水曰梁然則以土石爲隄障絕水者各梁雖所托皆有而無大於溴水之旁者杜注云溴出河內軹縣東南至溫入河春秋襄十六年公會晉侯以下于溴梁是也

墳莫大於河墳

**釋** 墳大防

**疏**

墳大防也謂隄雖水所皆有而河墳最大也

八陵

**疏**

此亦題上事也大阜曰陵溴梁河墳雖非大阜以其絕大若陵故通謂之

八陵也

東方之美者有醫無閭之珣玕琪焉醫無閭山名今

在遼東珣玕琪玉屬珣玕東南之美者有會稽之

竹箭焉會稽山名今在山陰縣南竹箭篠也

稽古南方之美者有梁山之犀象焉犀牛皮角象

牙骨西南之美者有華山之金石焉黃金礪石之

屬西方之美者有霍山之多珠玉焉霍山今在平

陽永安縣東北珠如今雜珠而精好西北之美者有

崑崙虛之璆琳琅玕焉璆琳美玉名琅玕狀如珠

也山海經曰崑崙山有琅玕樹崑崙路昆切虛音墟北方之美

者有幽都之筋角焉幽都山名謂多野牛筋骨東

北之美者有斥山之文皮焉虎豹之屬皮有縹綵

者尺。斤中有岱岳與其五穀魚鹽生焉言泰山有

魚鹽之饒此釋八方中國名山所產之物也。案

顏師古云卽謂醫巫閭是縣因山爲名故云山名今

在遼東周禮幽州鎮也云珣珣玉屬者說文云珣

周書所謂美玉也珣石之似玉者珣玉也皆玉之類

也故云玉屬。周禮揚州云其山鎮曰會稽鄭注云

在山陰地理志會稽郡山陰縣云會稽在南上有禹

爾雅統

卷之六六

六六

南方之美者有梁山之犀象焉者郭氏不注梁山所  
 在犀象二獸皮角牙骨材之美者也。○黃金鑄石之  
 屬者經惟言金知黃金者以三品之中黃金爲上此  
 言美者故知黃金鑄石石之次玉者玉藻云士佩璆  
 玞而縕組綬是也其類非一故云之屬。○注霍山至  
 精好者周禮冀州其山鎮曰霍山鄭云在彘案地理  
 志河東郡彘縣云霍大山在東冀州山周厲王所奔  
 應劭曰順帝改曰永安然則東晉時屬平陽郡而縣  
 名永安故云今在平陽永安縣也云珠如今雜珠而  
 精好郭氏時驗爲然也璆與球同說文云璆玉磬也  
 琳美玉名書云曼擊鳴球美玉可以爲磬故皆云美  
 玉也山海經曰者案海內西經云帝之下都崑崙之  
 虛方八百里高萬仞其上有三頭人琅玕樹注云琅  
 玕子似珠也。○幽都者山海經云北海之內有山名  
 曰幽都之山是也。○斥山山名也文皮虎豹之屬其  
 皮毛有文采細縹故謂之文皮焉。○岱岳泰山也此  
 言中國也五穀黍稷麻麥豆也泰山東近海禹貢海  
 岱惟青州厥貢鹽絺海物惟錯言其饒多非一種故

注云言泰山有魚鹽之饒也

### 九府

**九**此亦題上專也府聚也財物之所藏故言此八方及中皆美物之所聚故

題云九府也

東方有比目魚焉不比不行其名謂之鰈魚狀似牛腓

鱗細紫黑色一眼兩片相合乃得行今水中所存有

之江東又呼為王餘魚

音蝶

南方有比翼鳥焉不比

不飛其名謂之鸚鵡

**鸚鵡**

似鳧青赤色一目一翼相得

乃飛西方有比肩獸焉與叩叩距虛比為叩叩距虛

齧甘草即有難叩叩距虛負而走其名謂之蟹魚呂

氏春秋曰北方有獸其名爲𧈧鼠前而兔後趨則頓走則顛然則叩叩𧈧虛亦宜鼠後而兔前前高不得

取甘草故須𧈧食之今雁門廣武縣夏屋山中有獸

形如兔而大相負共行土俗名之爲𧈧鼠○叩巨凶

結難乃𧈧方有比肩民焉迭食而迭望此即半體

之人各有一目一鼻一孔一臂一脚亦猶魚鳥之相

合更望備警急○迭徒中有軼首蛇焉岐頭蛇也

或曰今江東呼兩頭蛇爲越王約髮亦名弩弦○軼

切此四方中國之異氣也此釋五方異氣而產非常之物也云東方有比

目魚焉者言東方水中有魚其形狀似牛脾鱗細紫  
黑色一眼兩片相合兩目相比乃得行故曰比目魚  
云不比不行者比合也言一片不能行須兩片相合  
乃行故云不比不行也云其名謂之鰈者言鰈爲比  
目之名也一名比目魚一名鰈郭云江東又呼爲王  
餘魚○案山海經云崇吾山有鳥狀如鳧一翼一目  
相得乃飛名曰蠻蠻郭云比翼鳥也色青赤不比不  
得飛爾雅作鸛鸛者正謂相比也○云西方有比肩  
獸焉者此謂鰈也與比目鰈虛相比鰈則肩庫不能  
走而能取甘草比目鰈虛則前高不得取甘草而善  
走穆天子傳曰比目鰈虛走百里是也故各以其能  
而濟所不能鰈常爲比目鰈虛齧甘美之草仰而食  
之卽有急難比目鰈虛則背負而走者其名謂之鰈  
也云呂氏春秋二十六篇秦相呂不韋輯智畧士作  
也云曰北方有獸至則顛者大慎覽順說篇之文也  
引之乃以證比目鰈虛之形也然則以下郭氏注云  
今雁門廣武縣云云者目驗知之也非方至迭望此  
卽半體人也兩半相比乃得爲人動作及禦非常以



肩莊上而顯故謂之比肩民焉迭更也謂一體取食則一體瞻望所以備警急也故云迭食而迭望○云中有軼首蛇焉軼岐也此即兩頭蛇也今江東呼越王約髮言是越王約髮所變也亦名弩弦即以形相似而名之也

五方此亦題上事也言是五方風氣殊異而生此怪物也

邑外謂之郊郊外謂之牧牧外謂之野野外謂之林林

外謂之坳邑國都也假令百里之國五十里之界

界各十里也坳古營切下溼曰隰大野曰平廣平曰原

高平曰陸大陸曰阜大阜曰陵大陵曰阿可食者曰

原可種穀給食陂者曰阪陂陀不平下者曰溼

**註**公羊傳曰下平曰隰田一歲曰菑

耕地反草為菑二歲曰新田

**註**詩曰于彼新田三歲

曰畬

**註**易曰不菑畬

音于

**註**

此釋郊野之地遠近高下不同之名也云邑外

謂之郊者邑國都也謂國都城之外名郊也云郊外謂之牧者言可放牧也書牧誓云王朝至於商郊牧野乃誓是也云牧外謂之野者言牧外之地名野詩傳云郊外曰野者以細別言之則郊外之地名牧牧外之地名野若大判而言則野者郊外通名故周禮六遂在遠郊之外遂人職云凡治野田是其郊外之地總稱野也云野外謂之林者言野外之地名林以其去都邑遠蕪采者少其地可長平林田名云云林外謂之坳者言林外之地最為遠野名坳魯頌云駟駒牡馬在坳之野毛傳云坳遠野是也注云邑國都也者案周禮四縣為都四井為邑春秋莊二十八

邑與都異此爲一者彼對文之例耳但都者聚居之處故詩小雅云彼都人士說文云邑國也是天子諸侯所居國城或謂之邑或謂之都故以國都解邑也云假令百里之國五十里之界界各十里也者以其百里之國國都在中去境五十里每十里而異其名則垆爲邊畔去國最遠故毛傳以爲遠野也此假令者據小國言之郊爲遠郊牧野林垆自郊外爲差耳然則郊之遠近計國境之廣狹以爲差也聘禮云賓及郊注云郊遠郊周制天子畿內千里遠郊百里以此差之遠郊上公五十里侯四十里伯三十里子二十里男十里也道郊各半之是也鄭之所約也是以司馬法云王國百里爲遠郊又此經從邑之外止有五名明當每皆百里故知遠郊百里也知近郊半之者書序云周公既受命君陳分正東郊成周於時周都王城而謂成周爲東郊則成周在其郊也於漢王城爲河南成周爲洛陽相去不容百里則所言郊者謂近郊故鄭注云天子近郊五十里今河南洛陽相去則然是鄭以河南洛陽約近郊之里數也周禮杜

子春注云五十里爲近郊白虎通亦云近郊五十里  
遠郊百里是儒者相傳爲然也下溼曰隰者謂地形  
庫下而水溼者李巡曰下濕謂土地窳下常沮洳名  
爲隰也云大野曰平者大野之澤一名平魯有大野  
是也云廣平曰原者謂澤之廣平者亦名原漢以平  
原爲郡名屬青州云高平曰陸大陸曰阜大阜曰陵  
大陵曰阿者李巡曰高平謂上地豐正名爲陸土地  
高大名曰阜最大名爲陵陵之大者名阿詩大雅皇  
矣云無矢我陵我陵我阿是也此上七者或萊沛沮  
洳或險峭磽确雖不可種穀給食亦得其名也云可  
食曰原陂者曰阪下者曰隰此三者釋地形雖有高  
下不平皆可種穀給食高而可食者各原詩大雅云  
篤公劉于胥斯原是也陂陀不平而可食者各阪詩  
小雅正月云瞻彼阪田有苑其特是也下平而可食  
者各隰本作溼談公羊傳曰下平曰隰此昭元年傳  
文也案彼曰晉荀吳帥師敗狄于太原此大鹵也曷  
謂爲之太原地物從中國邑人名從主人原者何上  
平曰原下平曰隰何休云分別之者地勢各有所生

原宜粟隰宜麥當教民所宜因以制貢賦是也云田  
 一歲曰菑二歲曰新田三歲曰畲此釋耕田年歲遠  
 近名義不同之事也菑者災也畲和柔之意也孫炎  
 云菑始災殺其草木也新田新成柔田也畲和也田  
 舒緩也郭云今江東呼初耕地反草為菑詩曰于  
 彼新田此小雅采芑篇文也案彼云薄言采芑于彼  
 新田于此菑畝毛傳取此文為說故引證也云易曰  
 不菑畲此无妄六二爻辭也鄭注亦取此文故引以  
 為證也

野 **野** 此亦題上事也上自邑外謂之郊以下  
 雖遠近高下其名不同野為總稱故云

東至於泰遠西至於邠國南至於濮鈇北至於祝栗謂

之四極 **國** 皆四方極遠之國 **○** 郊音彬 濮音十 觚竹北戶西

王母曰下謂之四荒 **國** 觚竹在北北戶在南西王母

在酉曰下在東皆四方昏荒之國次四極者音孤九

夷八狄七戎六蠻謂之四海音孤九夷在東八狄在北

七戎在西北蠻在東次四荒者音孤齊州以南戴曰為

丹穴音孤峽去也齊中也北戴斗極為空桐音孤戴值東

至日所出為太平西至日所入為大蒙音孤即蒙汜也

太平之人仁丹穴之人智大蒙之人信空桐之人武

音孤地氣使之然也音孤此釋九州之外四方極遠之國

遠邠國濮鈇祝粟此四方極遠之國名也音孤觚竹者漢

書地理志遼西令支有觚竹城是也非戶者即日向南

郡是也顏師古曰言其狂日之南所謂非戶以向日

水之後黑水之前有大山名崑崙之丘有人戴勝虎齒有尾穴處名曰西王母又穆天子傳曰天子賓于西王母乃紀其迹于弇山名曰西王母之山是也日下者謂日所出處其下之國也山海東荒經云大荒之中有山名曰大言日月所出有波谷山者有大人之國又云大荒之中有山名曰合虛日月所出有中容之國如此之類是也云謂之四荒者言聲教不及無禮義文章是四方昏荒之國也在上四極之內云九夷八狄七戎六蠻謂之四海者孫炎云海之言晦晦闇於禮義也云知在東西南北者以曲禮云其在東夷非狄西戎南蠻雖大曰子故也案風俗通云東方人好生萬物氾淵地而出夷者氾也其類有九依東夷傳夷有九種曰吹夷干夷方夷黃夷白夷赤夷玄夷風夷陽夷又一日玄菟二曰樂浪三曰高麗四曰滿飾五曰鳧更六曰索家七曰東屠八曰倭人九曰天鄙蠻者風俗通云君臣同川而浴極爲簡慢蠻者慢也其類有八李巡云一日天竺二曰咳首三曰焦僥四曰跂踵五曰穿胃六曰儋耳七曰狗軼八曰

旁春戎者風俗通云斬伐殺生不得其中戎者兇也  
其類有六李巡云一曰僬夷二曰戎夷三曰老白四  
曰蒼羌五曰鼻息六曰天剛狄者風俗通云父子嫂  
叔同穴無別狄者辟也其行邪僻其類有五李巡云  
一曰月支二曰穢貊三曰匈奴四曰單于五曰白屋  
案李巡所注爾雅木謂之四海下更三句云八蠻在  
南方六戎在西方五狄在北方故得此解孫炎郭氏  
諸本皆無此三句案明堂位稱九夷八蠻六戎五狄  
周禮職方氏掌四夷八蠻七閩九貉五戎六狄之人  
鄭注云四八七九五六周之所服國數也徧檢經傳  
四夷之數參差不同先儒舊解此爾雅上文殷制明  
堂位及職方并爾雅下文皆爲周制義或當然此在  
四荒之內九州之外於王者世一見周禮曰九州之  
外謂之蕃國世一見是也故云次四荒云岨齊以南  
戴日爲丹穴若此明四海之中別有下四種之名也  
岨去也齊中也中州猶言中國也戴值也言去中國  
以南北戶以北值日之下其處名丹穴天老說鳳云  
濯羽弱水莫宿丹穴又山海經云禱過山東五百里



曰丹穴山是也云北戴斗極爲空桐者斗比斗也極者中宮天極星其一明者泰之常居也以其居天之中故謂之極極中也比斗拱極故云斗極值北斗極之下其處名空桐云卽者卽淮南子云日出扶桑入於蒙汜是也云地氣使之然也者言是土地之氣剛柔不同使之仁智信武耳若考工記云鄒之刀宋之斤魯之削吳越之劔遷乎其地而弗能爲良地氣然也

### 四極

### 釋丘第十

**疏** 案廣雅云小陵曰丘說文解字曰土之高也非人所爲也從北從一 一也

也人居在丘南故從北中邦之居在崑崙東南一曰四方高中央下爲丘象形此下云非人爲之丘然則土有自然而高小於陵者名丘也其體雖一其名則多或近道途或因水澤所如則陵畝各異其重則再三不同通見詩書此篇具釋故名釋丘

丘一成爲敦丘 **註** 成猶重也周禮曰爲壇三成今江東

呼地高堆者爲敦 **○敦** 成重也言丘上更有一丘 **相重累者名敦丘詩衛風**

岷篇云送子涉洪至子頓丘是也一孫炎云形如覆敦敦器似盂今案下文別云如覆敦者敦丘則此自

是丘之一重者故郭氏云成猶重也與孫氏意異 **注** 周禮曰爲壇三成者此秋官司儀職所載文也鄭司

農云三成三重也引之證成爲重也

再成爲陶丘 **註** 今濟陰定陶城中有陶丘 **說** 丘形上有兩丘相重

累者名陶丘李巡曰再成其形再重也禹貢曰濟水東出干陶丘非是也濟陰定陶者濟陰郡名定陶縣

名也地理志云定陶縣西南有陶丘亭是也

再成銳上爲融丘 **註** 織頂者 **○銳** 丘形再重而頂音惠 **說** 織者名融丘也

三成爲崑崙丘

**註**

崑崙山三重故以名云

**疏**

丘形三重者名崑崙

丘崑崙山記云崑崙山一名崑丘三重高萬一千里是也凡丘之形三重者因取此名云耳

如蔡者蔡丘

**註**

形似車蔡也或云蔡者謂稻田塍埒

**疏**

繩正

**註**

郭氏兩解一云形似車蔡也一或云蔡謂稻

切田塍埒塍市陵切許叔重云塍埒稻田畦隄埒畔也蔡地理志云泰山有蔡丘春秋莊十五年公敗宋師于蔡丘是因丘以爲名乎

如渚者渚丘

**註**

水中小洲爲渚

**疏**

渚水中可居之小者丘形似之

名爲渚丘也

水潦所止泥丘

**註**

頂上汗下者

**疏**

水潦雨水也丘形頂上汗下雨

水停止而成泥潭者名泥丘

方丘胡丘 **註**形四方 **疏**丘形四方者名胡丘

絕高為之京 **註**人力所作 **疏**言車絕高大如丘而人力所作者名京案春秋宣十

二年左傳楚敗晉師于郟潘黨曰君盍築武軍而收晉尸以為京觀楚子曰云云今罪無所而民皆盡忠

以死君命又何以為京乎是其類也

非人為之丘 **註**地自然生 **疏**李延云謂非人力所為自然生者孫炎曰地性自然

也故郭云地自然生

水潦所還埒丘 **註**謂丘邊有界埒水繞環之 **疏**還環遶也埒小

隄也埒土為之言此丘邊有其界埒外則為水潦繞環者名埒丘

上正章丘 **註**頂平 **疏**丘頂上平正者名章丘章亦平也

澤中有丘都丘註在池澤中疏都水所聚也言在池澤中者因名都丘

堂途梧丘註途道疏途道也梧遇也當道有丘名梧丘言若相遇於道路然也

途出其右而還之畫丘註言為道所規畫疏還繞也畫規畫也言道出丘西而復還繞之者名畫丘若為道所規畫然也

音旋西也

途出其前戴丘註道出丘南疏謂道過丘南若為道負戴故為戴丘

途出其後昌丘註道出丘北疏謂道過丘北者名昌丘

水出其前滄丘水出其後沮丘水出其右正丘水出其

左營丘註今齊之營丘淄水過其南及東疏滄所景沮辭與

疏此釋丘之前後左右有水過之者名也左右猶言東西也地理志云齊郡臨淄城中有丘即營丘也

志又云泰山萊蕪縣淄水所出東至博昌入泲然則淄水出萊蕪經臨淄過管丘南折而北至博昌入泲

言此以證水出其左者名管丘

如覆敦者敦丘

**𡗗**

敦孟也

音唯

**𡗗**

祭周禮九嬪職云凡

齋玉敦也受黍稷器又少牢禮曰主婦執一金敦黍有蓋几設四敦皆南首注云敦有首者尊者器飾也飾象龜形孝經綿說敦與簠簋容受雖同上下內外皆圓為異郭氏言敦孟舉其類而言之也丘形如覆敦者名敦丘

邈迤沙丘

**𡗗**

旁行連延

邈

邈呂紙切

**𡗗**

說文云邈行也故注

云旁行連延也連延謂連接延長丘形斜行連接而長者名沙丘地理志云鉅鹿有紂所作沙丘臺在東

北七十里

左高咸丘右高臨丘前高旄丘詩云旄丘之葛兮後

高陵丘

**疏**此四者釋丘形左右前後高而名不同也詩云旄丘之葛兮者邶風旄丘篇文也

偏高阿丘

**註**詩云陟彼阿丘謂丘形四隅有一高而不正在左右前後者名

阿丘也詩云陟彼阿丘者鄘風載馳篇文也

宛中宛丘

**註**宛謂中央隆高案詩陳風云宛丘之上兮毛傳云四方高中央

下曰宛丘李巡孫炎亦皆云中央下而郭以為中央高者以其四方高中央下即是上文水潦所止泥丘也又下云丘上有丘為宛丘作者嫌人不曉故重辯之既言丘上有丘非中央隆高而何此郭氏所以不

從先儒也

丘背有丘為負丘

**註**此解宛丘中央隆峻狀如負一丘

於肯上

**疏**

此解宛丘之狀也言中央隆峻若丘背之上更有一丘而負戴之者名宛丘又名負

也丘

左澤定丘

**定**下

**疏**

謂丘之東有澤者名定丘

右陵泰丘

**註**

宋有泰丘社亡見史記

**疏**

謂丘之西有大阜者名太丘宋

有太丘社亡見史記案六國年表周顯王三十三年秦惠文王二年宋太丘社亡是也蓋依丘作社在宋

國于時亡去故云太丘社亡亦咎徵也

如畝畝丘

**註**

丘有隴界如田畝

**疏**

季巡曰諸丘如田畝曰畝丘孫炎云方百

步郭以為田畝之龍也丘形有界埒似之因名云詩小雅巷伯云楊園之道猗於畝丘是也

如陵陵丘

**註**

陵大阜也

**疏**

丘形如大阜者名陵丘云陵大阜者釋地文也

爾雅疏

卷之六十六



丘上有丘爲宛丘音嫌人不了故重曉之陳有宛丘音

今在陳郡陳縣晉有潛丘音今在太原晉陽縣淮南

有州黎丘音今在壽春縣天下有名丘五其三在河

南其二在河北音說者多以州黎宛營爲河南潛敦

爲河北者案此方稱天下之名丘恐此諸丘碌碌未

足用當之殆自別更有魁梧桀大者五但未詳其名

號今所托耳音此郭氏破先儒說天下名丘未當也

丘碌碌然小耳史記毛遂入楚謂平原君諸舍人曰

公等碌碌所謂因人成事者也意相類也殆近也近  
自更有魁梧然桀大者五但  
名號所托今所未詳知也

**丘**  
**𠄎** 此已上釋眾丘之名義故題曰丘也

望厓洒而高岸  
**𠄎** 厓水邊洒謂深也視厓峻而水深者

日岸  
**𠄎** 厓牙洒  
**𠄎** 望視也厓水邊也洒水深也言視先典切  
**𠄎** 水邊之厓其下水深其厓高峻者

各岸詩衛風云淇則有岸

夷上洒下不濬  
**𠄎** 厓上平坦而下水深者為濬不發聲

音濬  
**𠄎** 李巡云夷上平上洒下峭下故名濬孫炎曰平上峭下故名濬不者蓋衍字郭云厓上平

坦而下水深者為濬不發聲也  
詩王風葛藟云在河之濬是也

隩隈  
**𠄎** 今江東呼為浦隩淮南子曰漁者不爭隈  
**𠄎** 隩隈

鳥回  
**𠄎** 隩一名隈也孫炎云隈水曲中也詩衛風云瞻彼淇隩故此釋之也案淮南子原道篇云

昔舜耕於歷山暮年而田者爭處堯塽以封畔肥饒相讓釣於河濱暮年而漁者爭處湍瀨以曲隈深潭相子是不爭隈之事引之以證隈即屋內深隩之處也

屋內為隩外為隈

**釋**

別屋表裏之名

**說**

別屋表裏之名也孫炎云內曲

裏也外曲表也李巡曰屋內近水為隩其外為翰此句覆釋上文隩隈之處也云外為隈者隈當作翰傳寫誤也詩大雅公劉云芮翰之即毛傳云水之外曰翰然則屋在水曲其內名隩又名隈其外名翰又作坑音義同今以隩隈一事分為外內之名故知誤也

畢堂牆

**釋**

今終南山道名畢其邊若堂室之牆

**說**

李巡云堂

牆名屋似堂牆曰畢郭以畢終南山之道名也其邊之屋如堂室之牆言平正也詩秦風云終南何有有紀有堂是也

重厓岸 **註** 兩厓累者為岸 ○重直 龍切 言兩厓相重累

岸上澚 **註** 岸上地 ○澚音虎 岸上平地去水稍遠者名澚 詩大雅縣篇云率西水澚之

也類

墳大防 **註** 謂隄 **註** 李巡曰墳謂厓岸狀如墳墓名大防也 詩周南云遵彼汝墳又釋地云墳

莫大於河 墳是也

涘為厓 **註** 謂水邊 ○涘音士 李巡曰涘一名厓謂水邊也 詩秦風云所謂伊人托水之

矣 涘

窮瀆汜 **註** 水無所通者 ○汜音似 謂窮困不通之水瀆名 汜也亦得名谿即釋山

云山瀆無所通谿郭注云所謂窮瀆者雖無所通與水注川同名是也

爾雅疏

卷之六十八

谷者激

**音**

通於谷

音眉

**音**

謂窮瀆犯若能通於谷者則別名激也

厓岸

此已上釋厓听之名也故題厓岸

謂窮瀆犯若能通於谷者則別名激也

水激

**音**

水激

音士

**音**

謂窮瀆犯若能通於谷者則別名激也

大激

**音**

大激

音士

**音**

謂窮瀆犯若能通於谷者則別名激也

大激

**音**

大激

音士

**音**

謂窮瀆犯若能通於谷者則別名激也

大激

**音**

大激

音士

**音**

謂窮瀆犯若能通於谷者則別名激也

大激

**音**

大激

音士

**音**

謂窮瀆犯若能通於谷者則別名激也

爾雅註疏卷第六終

**音**

**音**

**音**

**音**

**音**

**音**

**音**

**音**

**音**

**音**

**音**

爾雅註疏卷第七

晉郭璞註

宋邢昺疏

釋山第十一

**疏**

案釋名云山產也言產生萬物說文云山宜也宜氣散生萬物有石

而高象形也此篇釋諸山之名故云釋山

河南華

**註**

華陰山河西嶽

**註**

吳嶽河東岱

**註**

岱宗泰山

河北恒

**註**

北嶽恒山江南衡

**註**

衡山南嶽

**疏**

篇首載此五山

者以為中國名山大也案周禮職方氏河南曰豫州其

山鎮曰華山正西曰雍州其山鎮曰嶽山正東曰兗

州其山鎮曰岱山正北曰并州其山鎮曰恒山正南

曰荊州其山鎮曰衡山鄭注云鎮名山安地德者也

又為五嶽知者案鄭注大司樂云五嶽岱在兗州衡  
 在荊州華在豫州嶽在雍州恒在并州是也案下文  
 及經典羣書言五嶽者皆數高高不數嶽而鄭云然  
 者蓋鄭有所案據更見異意也其正名五嶽必取嵩  
 高為定解下文別釋云河南華註華陰山者案禹貢  
 導河積石至于龍門南至于華陰東至于底柱孔安  
 國云河自龍門南流至華山北而東行然則此山在  
 河之南故曰河南華下皆放此在華陰縣界故曰華  
 陰山也云河西嶽註吳嶽者在西河之西一名無嶽  
 鄭玄云在并云河東岱註岱宗泰山者在東河之東  
 一名岱宗一名泰山鄭玄云在博云河北恒註北嶽  
 恒山者下文恒山為北嶽是也鄭玄云在上曲陽云  
 江南衡註衡山南嶽者禹貢云岷山導江又曰岷山  
 之陽至於衡山孔註云衡山江所經然則江水經此  
 山之北東入于海故曰江南衡也  
 鄭註大宗伯云五嶽南曰衡是也

山三襲陟

**注**

襲亦重

**說**

山之形若三山重累者名陟重  
 衣謂之襲故以襲為重也上篇

注已云成猶重也  
是故此云亦也

再成英

**註**

兩山相重

**疏**

成重也山形兩重者名英令  
南郡英山縣蓋取此名也

一成坯

**註**

書曰至于大坯

○坯備悲切

**疏**

案此文則山上更  
有一山重累者名

坯書曰者禹貢文也孔安國云山再成曰坯與此不  
同者蓋所見異也鄭玄云大坯在修武武德之界張  
揖云成阜縣山也漢書音義臣瓚以為皆非  
今黎陽縣山臨河豈不是大坯乎瓚意當然

山大而高崧

**註**

今中嶽高高山蓋依此名

○崧音嵩

**疏**

詩大  
雅云

崧高維嶽毛傳云崧高貌釋名云崧竦也亦高稱也  
李巡曰高大曰崧此則山高高大者自名崧木不指中  
嶽今之中嶽名嵩高或取此文以  
立名乎無正文故云蓋以疑之

山小而高岑

**註**

言岑崱

**疏**

言山形雖小而高  
崱崱者名岑也



銳而高嶠

**註**

言鐵峻

音嶠

**註**

銳則鐵也言山形鐵峻而高者名嶠列子曰淳海之

東有壑其中曰員嶠蓋同此也

卑而大扈

**註**

扈廣也

**疏**

言山形卑下而廣大者名扈禮記檀弓云南宮縚之妻之姑之

喪夫子誨之壘口爾母扈扈爾鄭註云扈扈謂大廣蓋取此義也

小而衆巋

**註**

小山叢巋

巋丘

**疏**

言小山而衆巋萃羅列者名巋

小山岌大山岨

**註**

岌謂高過

岌魚泣切

岨音桓

**疏**

言小山與大山相並而小

山高過於大山者名岨非謂小山名岌大山名岨也

屬者嶧

**註**

言駱驛相連屬

嶧亦屬嶧

**疏**

言山形相連屬駱驛然不絕者名嶧

駱驛連屬不絕之辭禹貢云嶧陽孤桐地理志云東海下邳縣西有葛嶧山蓋取此名也

獨者蜀

**註**

蜀亦孤獨

**疏**

言山之孤獨者名蜀案說文云蜀蟲名詩云蝟蝟者蜀釋蟲云

亦孤獨既蟲之孤獨者名蜀是以山之孤獨者亦名

也 日蜀

上正章

**註**

山上平

**疏**

正猶平也言山形上平者名章

宛中隆

**註**

山中央高

**疏**

言山形中央蘊聚而高者名隆

山脊岡

**註**

謂山長脊

**疏**

孫炎云長山之脊也言高山之長脊名岡詩云陟彼高岡是也

未及上

**註**

翠微

**註**

近上旁坡

**疏**

謂未及頂上在旁坡陀之處名翠微一說山氣青縹

色故曰翠微也

山頂冢

**註**

山巔峯者垂屣

**註**

謂峰頭巉巖

○峯子恤反屣子規切屣

音危此二句釋小雅十月云山冢峯崩之文也毛傳云山頂曰冢鄭箋云峯者崔嵬雖音字小異義實同也是取此文為說彼云冢者謂山頂也釋言云

巖頂也故此郭云山巖彼云峯者謂山巖之末其峰

巖屨屨然者也

山如堂者密音形如堂室者尸子曰松栢之胤不知堂

密之有美樅音言山形如堂室者密此尸子綽

如防者盛音防隄音此盛讀如窳盛之盛隄防之

故其山形如隄防者亦名盛也

巒山墮音謂山形長狹者荆州謂之巒詩曰墮山喬嶽

果切音凡物狹而長謂之墮則此言山墮者謂山形狹長者一名巒也音曰墮山喬嶽乃周

頌般篇  
文也

重甌隙

**註**

謂山形如累兩甌甌甌也山形狀似之因以

名云

○重平聲甌言  
蹇反隙音儼

**註**

孫炎云山基有重岸也郭云  
甌甌者鄭眾註考工記云甌

無底甌方言云甌自關  
而東謂之甌故知甌也

左右有岸屈

**註**

夾山有岸

○屈口  
閣切

**註**

謂山兩邊有水山  
與水為岸此山名

屈

大山宮小山霍

**註**

宮謂圍繞之禮記曰君為廬宮之是

也

**註**

宮猶圍繞也謂小山在中大山在外圍繞之山  
形若此者名霍非謂大山名宮小山名霍也

**註**

禮記曰者喪大記文也鄭註云宮謂圍  
障之也引之者證宮為圍繞之義也

小山別大山鮮音不相連音別彼列切音謂小山與大

者名鮮李巡云大山少故曰鮮

山絕陁音連山中斷絕音陁音謂山形連延中

多小石礧音多礧礧音礧音石者名礧釋名曰小石曰

礧

多大石礧音多盤石音盤大石也山多此

多草木岵無草木音岵皆見詩音岵當作岵索

彼岵兮瞻望兮又曰陟彼岵兮瞻望兮毛傳云山無草木曰岵有草木曰岵與此不同者當是傳寫

誤也王肅解依爾雅

山上有水埒 **𡵓** 有停泉 音埒 **𡵓** 謂山巔之上

夏有水冬無水漿 **𡵓** 有停潦 音學 **𡵓** 潦雨水也言山上

冬渴洞 者名漿

山續無所通谿 **𡵓** 所謂窮瀆者續無所通與水注川同

名 音瀆 **𡵓** 謂者所謂釋丘云窮瀆汜者也云與注川

同名者即釋水云 水注川曰谿是也

石戴土謂之崔嵬 **𡵓** 石山上有土者 嵬五回切

土戴石為𡵓 **𡵓** 土山上有石者 余切 **𡵓** 詩周南卷耳

又云陟彼𡵓矣 毛傳云崔嵬土山之戴石者 石山戴土曰𡵓與此正反者或傳寫誤也

南佳充 卷之七五 六六五言完

山夾水澗陵夾水瀆

**註**

別山陵間有水者之名

音虞

**註**

謂山間有水者名澗詩云考槃在澗是也其陵間有水者名瀆

山有穴為岫

**註**

謂岩穴

**註**

謂山有岩穴者為岫也

山西曰夕陽

**註**

暮乃見日

**註**

日即陽也夕始得陽故名夕陽詩大雅公劉云度其

夕陽幽居允荒是也

山東曰朝陽

**註**

且即見日

**註**

謂山頂之東皆早朝見日但是山東之岡脊總曰朝

陽詩大雅卷阿曰梧桐生矣于彼朝陽是也

泰山為東嶽華山為西嶽霍山為南嶽

**註**

即天柱山潛

水所出也恒山為北嶽

**註**

常山嵩高為中嶽

**註**

大室

山也

**說文**

案周禮大宗伯云以血祭祭社稷五祀五嶽故此釋之也白虎通云嶽者何謂嶽之為言

南為霍霍之為言護也言太陽用事護養萬物也西嶽為華華之為言獲也言萬物成熟可得獲也北方為恒恒者常也萬物伏藏於北方有常也中央為嵩嵩言其高大也風俗通云嶽者考功德黜陟也然則以四方方有一山天子巡狩至其下考諸侯功德而黜陟之故謂之嶽也案詩傳言四嶽之名東嶽岱南嶽衡此及諸經傳多云泰山為東嶽霍山為南嶽者皆山有二名也風俗通云泰山山之尊一曰岱宗岱始也宗長也萬物之始陰陽交代故為五嶽長王者受命恒封禪之衡山一名霍言萬物霍然大也華變也萬物成變由於西方也恒常也萬物伏北方有常也崧高也言高大也是解衡之與霍泰之與岱皆一山而有二名也若此上云江南衡地理志云衡山在長沙湘南縣南張揖廣雅云天柱謂之霍山地理志云天柱在廬江潛縣則在江北矣而云衡霍



一山二名者本衡山一名霍山漢武帝移嶽神於天  
柱又名天柱亦爲霍故漢已求衡霍別矣郭云霍山  
在廬江潛縣西南別名天柱山漢武帝以衡山遼曠  
移其神於此今其土俗人皆呼之爲南嶽本自以兩  
山爲名非從近也而學者多以霍山不得爲南嶽又  
言從漢武帝始乃名之如此言爲武帝在爾雅前乎  
斯不然矣竊以璞言爲然何則孫炎云以霍山爲誤  
當作衡山案書傳虞夏傳及白虎通風俗通廣雅並  
云霍山爲南嶽豈諸文皆誤明是衡山一名霍也註  
卽天柱山潛水所出此據作註時霍山爲言也此山  
本名天柱漢武帝移江南霍山之祀於此故又名霍  
山其經之霍山卽江南衡是也故上註云衡山南嶽  
也註大室山也案山海經云半石山東五十里曰少  
室山又東三十里曰秦室山郭註云卽中嶽嵩高山  
也今在陽城縣西戴延之西征記云其山東謂之大  
室西謂之少室相去十七里嵩其總名也以其下各  
有室焉故謂  
之室是也

梁山晉望也

晉國所望祭者今在馮翊夏陽縣西北

臨河上

**說**

言梁山在晉國境內晉以歲時望祭之故云晉望也云晉國所望祭案春秋僖三十

一年經云夏四月十郊不從乃免牲猶三望公羊

傳云三望者何望祭也鄭玄以為望者祭山川之名

也諸侯之祭山川在其地者非其地則不祭賈逵服

虔杜預皆以為三望分野之星國中山川楚語云天

于徧祀羣神品物諸侯二王後祀天地三辰及其土

地之山川註國語者皆云諸侯二王後祀天地三辰

日月星也非二王後祀分野星辰山川也以此知三

望則分野之星國內山川其義是也今案昭元年左

傳云辰為商星參為晉星又禮記禮器云晉人將有

事於河必先有事於汧池及此云梁山晉望也然則

晉國三望謂參也梁山也河也故云晉國所望祭者

云今在馮翊夏陽縣西北者地理志文也知臨河上

者成五年公羊傳云梁山者何河上之山也故知臨河上

釋水第十二

**𣶒**

說文解字云水準也北方之行象衆水並流中有微陽之氣也白虎

通云水之爲言準也是平均漢則之稱此篇釋諸水之名故曰釋水

泉一見一否爲𣶒

**𣶒**

𣶒纔有貌

○見現否卑美反𣶒纖

**𣶒**

說文云泉水源

也言此泉其水有時出見有時不出而竭涸者名𣶒謂𣶒微也故此云纔有貌

井一有水一無水爲𣶒

**𣶒**

山海經云天井夏有水冬

無水卽此類也

○濁計沟仁捉切

**𣶒**

說文云井鑿地取水也釋名云井清也泉之清

潔者也世本云伯益作亦云黃帝始穿此言井或一時有水者一時無水者名𣶒也  
**𣶒** 山海經云者案中山經云帝囿山東南五十里曰視山其上多非有井焉名天井夏有水冬竭者是也孫子兵灋云地陷曰天井然則非人爲之者曰天井云卽此類也者以比經但言井山海經言天井非正相當故云類也

濫泉正出正出涌出也

**釋**

公羊傳曰直出直猶正也

**說**

詩大雅瞻卬云觶沸檻泉故此釋之也詩言檻泉者正直上出之泉也其水涌出故更云正出涌出也李

巡云水泉從下上出曰涌泉濫檻音義同

云者案昭五年傳云叔弓帥師敗莒師于濇泉濇泉

直泉也直泉者涌泉也是其事也郭云直出者蓋

以義言之彼言直此言正其意一也故云猶正也

沃泉縣出縣出下出也

**釋**

從上溜下

音玄

**說**

李巡亦云水泉上溜

下然則相傳為然也曹風云列彼下泉則此沃泉也

沈泉穴出穴出仄出也

**釋**

從旁出也

仄側

**說**

李巡曰水從旁

出名曰沈沈仄出是側出曰沈泉也大東云有洌沈泉是也

溪關流川

**釋**

通流

音揆

**說**

說文解字云川貫穿通流水也虞書曰濬畎澮距川言深

濬畎澮之水會為川也釋名云川穿也穿地而流也然則溪闕者則通流大川之別名也

過辨回川

**註** 旋流

○過古禾切辨片

**註**

回旋也言川水之中有回旋而流者名過辨也

灘反入

**註**

即河水決出而復入者河之有灘猶江之有

汜

○灘於用切

**註**

反復也謂河水決出而復入河者名灘即下之水自河出為灘是也

渾沙出

**註**

今河中呼水中沙堆為渾

○渾音但

**註**

言渾者是沙堆出於

水中之名也故曰沙出

汧出不流

**註**

水泉潛出便自停成汚池

○汧音牽

**註**

謂水泉潛出停

成汚池者名汧地理志云扶風汧縣雍州弦蒲藪汧出西北入渭以其初出不流停成弦蒲藪故曰汧

出不流也其終則入渭也

歸異出同流肥肥毛詩傳曰所出同所歸異為肥肥謂小

水支分歸入大海則異其泉源初出則同流者名肥  
即詩擲風泉水云我思肥泉茲之永歎毛傳云所出

同所歸異為肥泉是也

澆大出尾下澆今河東汾陰縣有水口如車輪許澆沸

涌出其深無限名之曰澆馮翊邵陽縣復有澆亦如

之相去數里而夾河河中階上又有一澆澆原皆潛

相通在汾陰者入壅其流以為陂種稻呼其本出處

為澆魁此是也尾猶底也音糞澆尾猶底也言其源  
深出於底下者名

澆澆猶灑散也註今河至底也河東馮翊皆郡名  
也云河中階上者階謂河中可居之小者云人壅其

流以爲陂種稻者澤障曰陂謂人畜壅此水以爲陂澤而既稻苗也云漢魁者魁帥也首也以其水源故

謂之魁也

水醮曰辱謂水醮盡

音軌醮盡也凡水之盡皆謂之辱辱則竭涸之一名也

水自河出爲澨書曰澨沮會同濟爲澨汶爲澨洛爲澨

波漢爲潛書曰沱潛既道

澨楚汝間澨澨沱

淮爲澨江

爲沱書曰岷山導江東別爲沱過爲洧潁爲洧汝

爲瀆詩曰導彼汝瀆皆大水溢出別爲小水之名

餘頃反瀆頃過鳥禾反頃

此十者皆大水分出別爲小水之名也書曰離沮會同者禹貢兗

州云雷夏既澤澗沮會同孔安國云雷夏澤名澗沮  
二水會同此澤引之證水自河出別名爲澗也云書  
曰沱潛既道禹貢梁州云岷嶓既藝沱潛既道孔安  
國云岷山嶓冢皆山名沱潛發源此州人荆州案地  
理志云蜀郡有崩道岷山在西徼外江水所出也隴  
西郡西縣嶓冢山西漢水所出是二者皆山名也沱  
出于江潛出干漢二水發源此州而人荆故荆州亦  
云沱潛既道案郭氏音義云沱水自蜀郡都水縣瀘  
山與江別而更流又云有水從漢中沔陽南流至梓  
潼漢壽入太穴中通岷山下西南潛出一名沔水善  
俗云卽禹貢云潛也郭氏此言並解梁州沱潛也然  
則此註言書曰者亦指梁州者也所以荆州亦有沱  
潛者蓋以水從江漢出者皆曰沱潛所以荆梁二州  
皆有也云書曰岷山導江東別爲沱亦禹貢文也孔  
安國云江東南流沱東行引之證江水溢出名沱也  
云詩曰遵彼汝墳此周南汝墳篇文也毛傳云汝水  
名也墳大防也毛意以爲伐薪宜於厓岸之上故以  
大防解之郭意以爲汝墳所分之處有美地因謂之



濱且毛傳墳從土此  
濱從水所以異也

水決之澤為汧

**訓**

水決入澤中者亦名為汧

**疏**

凡水為人所決

跋障為澤者亦與上  
出不流者亦名為汧

決復入為汧

**訓**

水出去復還

**疏**

凡水決之岐流復還本  
水者名汧詩召南云江

有汧  
是也

河水清且瀾漪大波為瀾

**訓**

言渙瀾

○瀾蘭  
綺衣

小波為淪

言蘊淪直波為徑

**訓**

言徑涎

**疏**

案詩魏風伐檀篇  
云河水清且漣漪

又曰河水清且直漪又曰河水清且淪漪故此釋之  
毛傳風行水上成文曰漣直直波也小風水成文轉  
如輪也李巡云分別水大小曲直之名郭氏云瀾言  
渙瀾淪言蘊淪徑言徑涎然則瀾直淪淪水波之異

漪皆辭也。家詩漣淪皆言波名。直波不言徑而言直。又在淪漪前者取韻故也。灩澦雖異而義同。灩澦先舉詩文。然後釋之。直淪不舉者。省文從可知也。

江有沱河有澗汝有瀆註此故上水別出耳所作者重見

澗水厓註水邊地疏謂水邊厓岸之地別名澗李巡曰澗水邊地名厓也詩大雅江漢云

江漢之澗是也

水草交為澗註詩曰居河之澗音胃此小雅巧言之

此言故釋之云水草交為澗李巡曰水中水草交會曰澗今詩作澗音義同

濟有深涉註謂濟渡之處細切深則厲淺則揭揭者

揭衣也註謂褰裳也細下丘揭切以衣涉水為厲

**註** 衣謂禪絲膝以下為揭絲膝以上為涉絲帶以上

為厲

**註** 絲自也

○絲音由 上時掌反 **疏** 案詩邶風匏有苦葉篇云匏有苦葉濟有深涉

深則厲淺則揭故此先引詩文然後釋之云揭者揭衣也謂渡處水淺惟褰裳可涉者名揭詩云謂褰裳

也者對文言之則在上曰衣在下曰裳散而言之則通是以此經言揭衣註言褰裳曲禮云兩手摠衣去

齊尺衣亦謂之裳也云以衣涉水為厲者此衣謂禪也言水深至於禪以上者而涉渡者名厲云絲膝以

下為揭者此更釋揭涉及厲之名絲與由同絲自也言水淺自膝以下為揭水差深自膝以上者為涉水

若深至衣帶以上者為厲註云絲自也釋詁文

潛行為泳

**註**

水底行也晏子春秋曰潛行逆流百步順

流七里

**疏**

謂人潛隱水底而行者名為泳詩周南漢廣云漢之廣矣不可泳息是也註晏子春

秋曰者晏子名嬰字平仲相齊景公孔子稱善與人  
交者也著書謂之晏子春秋云景公蓄勇士公孫接  
田開疆占冶子夷景公以勇力博於虎鬪晏子晨趨  
三子者不起晏子見公請去之公乃使人餽之桃  
令三子計功而食公孫接曰接一搏特猪再搏乳虎  
若接之功可以食桃而毋與人同矣援桃而起田開  
疆曰吾仗兵却三軍者再若開疆之功可以食桃而  
毋與人同矣援桃而起古冶子曰吾嘗從君濟於河  
鼉銜左驂以入砥柱之中流當是時也冶少不能游  
潛行逆流百步順流九里得鼉而殺之左操馬尾右  
挈鼉頭鶴躍而出津人皆曰河伯也冶之視人則大  
鼉之首也若冶之功可以食桃而毋與人同矣二子  
恥功不逮而自殺古冶子亦自殺是其所引之文也  
以證潛行爲泳之事也但彼作九里此作七里蓋傳  
寫誤或所見本異也

汎汎楊舟緇緇維之緇緇也

**緇** 緇索

○ 緇弗緇 離 緇律

緇緇也

**綏繫** 誰切 綏如 **疏** 沈沈楊舟 綏繫維之 此詩小雅采菽篇文也 云綏繫也 綏繫也 此釋

詩 綏繫之義也 李巡云 繫竹為索 所以維持舟者 郭云 綏繫孫炎云 舟止繫之於樹木 戾竹為大索 然則

正謂舟之止息 以繩繫而維持之也 綏訓為繫 繫是繩 綏訓為維 維又為繫

天子造舟 **註** 比舩為橋 **註** 造七 諸侯維舟 **註** 維連四舩

大夫方舟 **註** 併兩舩士特舟 **註** 單舩庶人乘泝 **註** 併

木以渡 **附** 此釋尊卑橋舩之異制也 云天子造音舟 **註** 舟者詩大雅大明云 造舟為梁是也

言造舟者比舩於水 加板於上 節今之浮橋 故杜預云 造舟為梁 則河橋之謂也 維舟以下 則水上浮而

行 但舩有少為等差耳 云庶人乘泝者 詩漢廣云 江之永矣 不可方息 毛傳云 方泝也 釋言云 舩泝郭

註云 水中簞筏 論語曰 乘桴浮于海 註云 桴編竹木 大曰楫 小曰桴 是也 桴泝音義同

水注川曰谿注谿曰谷注谷曰溝注溝曰澮注澮曰瀆

**[註]**

此皆道水轉相灌注所入之處名

澮古澮切

**[註]**郭云轉相

灌注者蓋以川瀆皆水之大者也虞書云濬畎澮距川下云江河淮濟為四瀆是也今若言水注川曰谿

謂水之注入川者名谿則注入溝者名澮溝小如澮豈能容乎若言注溝曰澮謂注溝水入之名澮則注

川水入之者名谿杜預云谿亦澮也豈能容受川乎然則水注川曰谿是澮谿之水注入川也故李巡云

水出於山入於川曰谿注谿曰谷謂山谷中水注入澮谿也注谷曰溝此以下與上不類謂山谷中水無

澮谿者注入平地之溝溝廣深四尺註云澮廣二尋深二仞曰澮謂注溝水入之者名澮一注澮水入之

者名瀆故注云轉相灌注也灌貫

逆流而上曰沂泗順流而下曰沂游

**[註]**

皆見詩

○沂音素

**[疏]**

案詩秦風蒹葭云遡洄從之道沮且長遡遊從之宛在水中央是也孫炎曰逆渡者逆流也順渡者順流也然則逆順流皆謂渡水有逆順也

正絕流曰亂

**直**直橫流也書曰亂于河

**流**正直也謂橫絕其流而直

渡名曰亂書曰亂于河案禹貢梁州云入于渭亂于河孔安國云越沔而北入渭浮東渡河而還帝都有曰所治以帝都在河之東故直橫渡河而還帝都也彼孔氏引此文故以為證也

江河淮濟為四瀆四瀆者發源注海者也

**瀆**案白虎通云瀆者何

謂濁中國垢濁發源東注海其功著大稱瀆也案禹貢云導河積石至于龍門南至于華陰東至于底柱又東至于孟津東過洛汭至于大伾北過泒水至于大陸又北播為九河同為逆河入于海岷山導江東別為沱又東至于澧過九江至于東陵東迤北會為匯東為中江入于海導沈水東流為濟入于河溢為

滎東出于陶丘北又東至于荷又東北會于汶又北東入于海導淮自桐栢東會于泗沂東入于海是發源注海者也

水泉 題上事也 下皆倣此

水中可居者曰洲小洲曰階小階曰沚小沚曰坻人所

為為瀆 人力所作 此一段釋水中之

水中案李巡云四方皆有水中火獨可居但大小異其名耳若人所作者則名瀆周南云在河之洲召南云江有瀆梁紱云于沼于沚秦風蒹葭云宛在水中坻是其所出之文也

水中

河出崑崙虛色白 註 山海經曰河出崑崙西北隅虛山



下基也所渠并千七百一川色黃註潛流地中汨漑

沙壤所受渠多眾水溷淆宜其濁黃百里一小曲千

里一曲一直註公羊傳曰河曲流河千里一曲一直

註此釋河源所自及遠近曲直之勢故下題云河曲云河出崑崙虛色白者崑崙山名虛山下基也言

河源出於崑崙山下之基其初纖微源高激湊故水色白也云所渠并千七百謂所受之渠并記凡有一

千七百也云一川色黃者以其所受渠多沙壤溷淆故為一川而水色黃也云百里一小曲千里一曲一

直者此河自然之勢也故謂之河曲案海內西經云帝之下都崑崙之虛方八百里高萬仞河水出東北

隅以行其北西南又入渤海又出海外即西北而北入禹所導積石山又北山經云敦夢山敦夢水出焉

西注沕澤出于崑崙東北隅實惟河源郭註云即河出崑崙虛也今注云西北者蓋所見本異或傳寫誤

註潛流至濁黃云潛流地中者按漢書西域傳云河  
有兩源一出葱嶺一出于闐于闐在南山下其河北  
流與葱嶺河合東注蒲昌海蒲昌海一名鹽澤者去  
玉門陽關三百餘里廣袤三百里其水亭居冬夏不  
增減皆以爲潛行地下南出積石爲中國河又山海  
經云不周山東望沕澤河水之所潛也其源渾渾泡  
泡郭註云河出崑崙潛行地下至葱嶺山于闐國復  
分流岐出合而東流注沕澤又復潛行南出于積石  
而爲中國河沕澤一名蒲昌海潛行渾渾泡泡水漬  
涌之貌是潛行地中也說文云汨水流也溷濁也淆  
雜亂也言水流激其沙壤所受之渠又多衆水溷濁  
雜亂所以宐其水濁且黃也魚云公羊傳曰者此文  
十二年傳文也按彼經云晉人秦人戰于河曲傳云  
曷爲以水地河曲疏矣河千里而一曲也言其河曲  
之地疏濶故可戰也引之證河必千里一曲一  
直之義然此註以疏爲流又加一直字誤也

## 河曲

徒駭

**音**

今在成平縣義所未聞

駭諧 稽切

太史

**音**

今所在

未詳馬頰

**音**

河勢上廣下狹狀如馬頰覆

**音**

水中

可居住而有狀如覆釜

覆扶服 切 誦音父

胡蘇

**音**

東莞縣今

有胡蘇亭其義未詳簡

**音**

水道簡易絜

**音**

水多約絜

鈎盤

**音**

水曲如鈎流盤桓也

**音**

水多阨狹可隔

以為津而橫渡

音 革

**音**

按禹貢云九河既導故此釋其名下即題云九河也李巡

曰徒駭者禹疏九河以徒眾起故曰徒駭太史禹大

使徒眾通其水道故曰大史馬頰河勢上廣下狹狀

如馬頰也覆釜水中多渚往往而處形如覆釜胡蘇

其水下流故曰胡蘇胡下也蘇流也簡大也河水深

而大也絜言河水多山石治之苦絜絜苦也鈎盤言

河水曲如鈎屈折如盤也隔津河水狹小可隔以為

津也孫炎曰徒駭禹疏九河川功雖廣衆懼不成故曰徒駭胡蘇水流多散胡蘇然其餘同李巡簡云徒駭今在成平東光縣今有胡蘇亭馬頰覆鬴鬲津之名同李巡簡云水多約絜鉤盤水曲如鉤流盤桓也餘名皆云其義未詳計禹疏九河云復其故道名應先有不宜徒駭太史因禹立名此郭氏所以未詳也武九河雖舊有至禹治水更別立名卽此所云是也漢書溝洫志成帝時河隄都尉許商上書曰古記九河之名有徒駭胡蘇鬲津今見在成平東光鬲縣界中自鬲津以北至徒駭其間相去二百餘里是知九河所在徒駭最北鬲津最南蓋徒駭是河之本道東出分爲八枝也許商上言三河下言三縣則徒駭在成平胡蘇在東光鬲津在鬲縣其餘不復知也此九河之次從北而南旣知三河之處則其餘六者大史馬頰覆笁在東光之北成平之南簡絜鉤盤在東光之南鬲縣之北也其河填塞時有故道鄭玄云周時齊相公塞之同爲一河今河間弓高以東至平原鬲津往往有其遺處春秋緯寶乾圖云移河爲界在齊

呂填闕八流以自廣鄭玄蓋據此文爲齊桓公塞之也言闕八流拓境則塞其東流八枝并使歸於徒駭也此九河之名義也按胡蘇在東光定本註作東莞莞當作光字之誤也

### 九河

從釋地已下至九河皆禹所名也

**通**謂釋地以下凡四篇其中五嶽四瀆

及諸山川丘陵之名皆禹所制也然山川等名其來尚矣治水之後更復改新言此名是禹所制非禹始爲名之也

### 爾雅註疏卷第七終